


四明叢書

張宗祥



錢忠介公集卷二十三

附錄三

原編上文

太倉守署崑山縣去思碑

崑山

顧錫疇

九疇
瑞屏

今皇帝嗣統之十一年鄞縣錢侯以進士來知太倉州
十三年吾崑山令免侯以知州權管吾邑事八越月邑
大治諸生謀肖像祠侯之東門侯勿許侯守太倉又二
年天子最侯勤稍遷刑部員外郎崑士大夫謀曰侯有
大功於崑山不刻石頌其事何以勸來者因徵余言爲
信余思侯來莅崑崑媮麻甚平時如遭兵燹民相聚譟

曰此邑不復有良吏維吏崑者亦曰崑其畏塗至者無
完聲侯在事則知斯言盡誕妄初民搆一訟曲者賂金
則得直直者不能賂多枉死豪貴紀綱百人及縣之門
胥表裏稱姻婭一訟牒進輒報所知所以報其主兩
家角勝負視門第吏懸官牒爲市鬻於隸之豪者隸懷
牒叩民戶家且立盡又里中巨猾部養羣不逞白晝格
殺無忌每獄具輒摩其黨布道左張拳若向人者得金
錢迺免侯摘發一二皆斂跡民得扃戶寢侯又罕與士
紳接接無苛禮士紳曰侯輕我旣士紳家再失藏名家

子厭燒死侯誅其渠魁無少道士紳喜則曰侯非輕我
者豈賦劇他邑弊孔百舊例十人領出納號數官每較
賦十人翼而立口唱籌數多不核賄集其門遂不思輸
賦侯廉得奸狀銖粒盡親覽民知無援乃爭輸又不遺
人責逋賦卽責甚逋者一人領其牒次逋者次之甚逋
者輸及格則脫去牒責次逋者民急求脫牒又爭輸縣
屬興獄臺司屬侯侯庭鞫率中要領是年六月民大饑
巨室乘時閉糴縣故多姦人乃鳩其類煽飢民至數千
揭竿犯剽使某家次日復擁眾數千掠木賈某又將掠

徽商侯時在太倉聞警飛艇至趣駕抵徽商門眾方洵
洵侯呼壯丁擒之擒數十人斃二人眾乃散又身督壯
丁夜察非常穿達隘巷仍勸人出米平其直活者十餘
萬同時太倉亦告變侯一身置兩地又病喀而神氣陽
陽兩地獲安當是時吳中震動不遇侯兩邑其殆然則
侯之功不在祝侯乾壽下祝侯者嘉靖中令崑山捍倭
難完我城郭崑之人至今廟祀

史氏曰於鑠錢侯既強且清人不能欺以法以刑西門
治鄴國僑治鄭孔明景略牽豈以聽築之城域樓季絕

脈火烈炎炎萑苻盜息薶彼稂莠稼穡滋殖窮民頌侯
歎我來暮我寒侯衣我飢侯哺富民頌侯侯如懷露下
膏百物物以繁庶諸士頌侯自侯下車士不銜鬻挾筴
爲娛胥徒頌侯今始遠禍我不舞文前吏誤我囚亦頌
侯謂侯臯蘇別者守門子羔以逋辛巳以後侯雖在婁
崑有疑獄必讞於侯遠近畏愛謂侯循吏侯名肅樂希
聲其字鑣此貞石壽之千禩

送錢侯入刑曹序

太倉張杲受先

錢侯治婁五載適天子矜愼庶獄擇天下廉明吏填司

寇曹冢宰首以侯應序資曰可員外郎於是侯且去婁
侯律已嚴孤行一意應事通敏有源固宜給事中御史
常調誠失當然外吏轉京曹朝官勞逸什伯禮數亦什
伯且婁難調風愆時告以此謝牙啄奚弗適迺父老奔
走泣田舍輟耕歛邑曰侯去羣宵復結稱罍會禍蔓誰
則鋤博徒復熾取我子弟破家業誰遏勢家郎若僕復
橫權在尺一誰裂眦抗青衣策騎壠塍句檄復旁午誰
禁絕猾吏舞徭賦錢神上下誰與平其中產以上則曰
歲荒雖苦稅畢事且寧今保無他侵害孤嫠向隅曰族

蠶婦侯得不動今保無魚肉拊履與菜傭號曰無賴方
息今行持入市保無徒手奪諸眷侯多端難悉指似得
候終淹婁者辟諸慈母乳兒上堂問舅姑且置乳則兒
啞啞啼兒知失乳曷知母所事以此相形厥情篤矣然
不但婁往歲庚辰侯兼治崑崑西距婁餘一舍閒五日
往凡六閱月積廢聿舉渠路易聽時米價驟貴兩地奸
乘劫大室侯停崑擒劇立置法亟返婁亦得劇懲不三
日兩地亂遄已旣解署士民百千頂香盆擁車立祠生
祝六閱月中以閒日計所視事不及三月得如此者體

用清裕之應也辛巳崇邑令缺盜四起邑號號海中臺
司復委侯篆侯驅浪前至卽率兵帥勦擒獲三盜魁肆
諸衢哭我兵死殺敵者裂圍帶分卹丁壯益厲盜黨各
驚遠復計擒盤踞害馬者二人值朔日集生耆講高皇
帝六諭曰爾俗海外習行麗辟幾見養賊私販鹽得傳
富子孫幾見罡會予雄及陰孽人纏宛得牖下死盍審聖
諭否則柱後惠文小卽從三尺爾擇利其亦擇禍眾聳
忱柔善有出涕者侯往返九日約途次治崇可五日又
半行閒凡詰奸保良諸水陸興革咸飭頒行士民復百

千擁車呼曰侯奈何舍我侯曰我駐冀控崇興革且亟
舉邑固我屬曷舍爾於是百千跪河干曰幸必無舍我
望帆檣不見揮淚散侯極慈獨執法亡借初以名進士
來四方友聲同籍故人不能無所干謁侯心厭輒難訑
訑拒越歲旦操誓詞盟神曰我決毋以民予客又刊詞
布梓里客指裏怪鳥迄無趾錯遂嚴保甲飭鄉約朔望
會紳矜庶老講六諭裏城郭舊分二十四舖合境舊分
二十九都侯舖設約正副都如之各授善惡冊曰得實
持以報譴六諭畢則出朱榜書善人姓名行事奏樂導

送惡人則標白榜銀鐺扭階下受大杖乃立十禁定鄉約事宜復請諸紳分講城郭鄉約正分講村鎮侯則以時會講行賞罰且親闡解反覆孝弟興廉獎讓冀革心一時裏遂丕變侯鑑庚辰亂日夜思常平法是冬幸有年合羣議畝出米升總萬石次年果大旱民饑乃蓋廠四隅迄鄉都凡十三所自三月至五月煮糜振濟列貧戶自六月至九月上貧振米次減價糶視他邑差濟當旱甚侯百方禱旣徒步拜赤日下又食同監門荒政介心路海寇引饑民出沒撲復起侯素弱時益黧瘠士

民環泣曰侯姑返廨匍匐巷拜如憊極何侯語士民無
歲將無民又安用我相對泣積瘁至今年春日咯血數
升幾危乃甦侯視婁一身矣得比部報多士向余述眷
侯者狀因嗟嗟官不酬績余應曰侯五載飲冰絕春明
問斷游閒聲譽失貴人歡狡童且諭訛几席尙安望清
要今得內轉助邦禁匡時明政一可幸冀則宜慶儻仇
百姓行金輦上卽得給事中御史曷貴況非必得或官
下要顯達頌郊遂內外怨汝胥汝可沒身辱侯清白吏
子孫所獲最勝則宜慶固毋輕司寇曹周禮秋官帥屬

登下生死書曰刑期無刑又曰惟良折獄皇上尙德緩刑篤念殊死以下付元宰受中侯行效職所平反當上心如漢張釋之于定國以廷尉遇主將大用則宜慶多士聞之意解曰其然終不得戀憩菴淹侯矣侯且行子富有言余維侯每談義利甚辨方出所學見天下何我阿好然余州人也識不越百里詞乃稔卽占諸不律旣喻多士并慰攀臥以開侯轅轍

錢忠介公傳

陳皇士

公諱肅樂字希聲號虞孫寧波鄞人崇禎丁丑進士授

太倉知州政聲大著嘗兼攝崑山崇明兩邑事壬午入
爲刑部員外郎尋丁內外艱乙酉南京破江左兩浙郡
縣皆風靡公在籍集士民懸高皇帝像慟哭遂與鄭遵
謙孫嘉績陳函輝等會師江干浙東歷授公僉院副院
少司馬皆歷疏辭戮力軍中者一年丙戌錢塘失守公
攜家入海閩中復授公副院公至則延平已破復遁跡
海島中丁亥鄭彩治兵海上福州起兵公復以掌邦政
召乃與熊汝霖馬思理沈宸荃林奎吳鍾巒等協力任
事戊子加閣銜公見國勢日蹙藩鎮驕悍憂憤成疾卒

於海外之琅琦山遺命以先朝時員外官服殮故仍稱員外云公以氣節終而始則以文章吏治顯制舉業數十年來競尚浮靡甚且離經叛道二三名士欲以經學振起之而所業不售人莫信從自公以湛深理學規矩先正之文聯取科第而世之爲舉業者乃稍稍入於格居官潔己愛民吏事精敏而不擾不畏強禦時以德化人在太倉卻公例之金振饑捕蝗措置皆有條理朔望集講高皇六諭賞善罰惡有父子相獄兄弟爭訟者諭令退而自思卒皆感悔謝罪在崑山時年荒貧民相聚

掠富家公捕得倡亂者杖殺之邑賴以安試士皆糊名
所拔多奇士跡公之吏治蓋一代之能臣遭遇世變而
不盡其用卒乃竄徙顛頓至九死而不移抱痛伏恨而
死於海外其可悲也已公生平不多作詩從其弟肅圖
首錄之

東閣大學士太保兵部尙書忠介錢公傳

同縣 林時對 蘭荊

人惟介節硜硜牆宇高峻不隨人口吻不傍人腳跟斯
能卓然自樹不惑於流俗苟且然氣誼所投自有緇衣

之好所謂同聲相應同道爲朋非與余性孤鶩少可多
怪與人恆落落而平生謬辱知己者同邑有三人焉一
爲侍御陳公賓日一爲太常莊公漢曉一爲相國錢公
希聲陳公按蜀歸始與余訂交公年倍余而忘分下接
然性長厚於流品清濁茫然余偶及武陵公何疏獎則
愕然問所以因言其欺君誤國狀始悔其前之誤也時
時過余虛心延問余罹先子之感喪次惻惻謂如將伯
助予何未幾復命而遽攀龍髯矣莊公直節嶙峋每見
余奏疏歎不容口領袖天垣同持清議唱子和汝壘簾